



Broj: 15-03-16-5-54-31/25
Datum: 17.2.2026. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav (2) tačka d) i člana 70. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24) te člana 8. stav (1) tačka b) Zakona o Agenciji za identifikacione dokumente, evidenciju i razmjenu podataka Bosne i Hercegovine („Službeni glasnik BiH“, broj 56/08), Agencija za identifikacione dokumente, evidenciju i razmjenu podataka Bosne i Hercegovine donosi

ODLUKU **o poništenju postupka javne nabavke**

Član 1.

Poništava se postupak javne nabavke **pogonskog goriva za potrebe Agencije**, objavljen na Portalu javnih nabavki Bosne i Hercegovine, Obavještenje o nabavci broj 1110-1-1-69-3-122/25 od 4.12.2025. godine, koji je proveden otvorenim postupkom.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon preduzetih aktivnosti, Komisija za provođenje postupka javne nabavke pogonskog goriva za potrebe Agencije je konstatovala da je rok za prijem ponuda bio 22.1.2026. godine do 10:00 sati, te da su do navedenog roka na pisanicu Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija) pristigle dvije (2) ponude i to od ponuđača HIFA PETROL d.o.o. Sarajevo i ponuđača NESTRO PETROL a.d. Banjaluka. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponuda, izradila Zapisnik o pregledu i ocjeni ponuda, broj 15-03-16-5-54-29/25 od 28.1.2026. godine, u kojem su detaljno obrazloženi razlozi za poništenje postupka.

Zapisnički je utvrđeno da ponuđač HIFA PETROL d.o.o. Sarajevo ne ispunjava uslove postavljene tenderskom dokumentacijom, odnosno da ne raspolaže resursima potrebnim za realizaciju okvirnog sporazuma/ugovora. Naime, isti je u ponudi naveo da izvršenje okvirnog sporazuma u jednom dijelu će realizovati putem podugovaranja. U skladu sa članom 73. stav (5) Zakona je definisano da dobavljač kojem je dodijeljen ugovor snosi punu odgovornost za realizaciju ugovora, a kako ovaj ponuđač nije dokazao da je sposoban sam izvršiti predmetni okvirni sporazum, to je Komisija njegovu ponudu ocijenila neprihvatljivom.



Ocjenjujući ponudu ponuđača NESTRO PETROLA a.d. Banjaluka Komisija je utvrdila da je ovaj ponuđač predvidio korišćenje kapaciteta drugog privrednog subjekta na osnovu pravnog odnosa koji ima s njim za izvršenje dijela okvirnog sporazuma. Kako navedeno nije u skladu sa odredbama tenderske dokumentacije, gdje je njenim tačkama 6.4.1. i 6.5.1. izričito definisano da u ovom postupku javne nabavke, s obzirom na prirodu predmeta javne nabavke, nije moguće oslanjanje na kapacitete drugih subjekata, osim u formi podnošenja ponuda od strane grupe ponuđača, gdje su članovi grupe ponuđača obavezni dostaviti dokaze o ispunjavanju uslova kako je navedeno u Tenderskoj dokumentaciji za članove grupe ponuđača, Komisija je ocijenila i ovu ponudu neprihvatljivom.

Nakon pregleda, analize i ocjene nijedna ponuda nije ocijenjena prihvatljivom, te je Komisija u skladu sa članom 69. stav (2) tačka d) Zakona predložila poništenje predmetnog postupka javne nabavke.

Na osnovu prijedloga Komisije odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje, u roku od deset (10) dana od dana prijema ove odluke. Žalba se podnosi Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom i to u dovoljnom broju primjeraka, a koji ne može biti manji od tri (3).

дигитално
потписано /
digitalno
potpisano /
digitally signed

X 

DIREKTOR

Prof. dr. Almir Badnjević

Signed by: Almir Badnjević